



**Komunikadu Imprensa
Tribunál Distritál Suai
21 Dezembru 2016**

JSMP husu atu julgamentu movel tenke funksiona iha maneria ida-ne'ebé qualidade no kredivel

Iha 12-16 Dezembru Tribunál Distritál Suai hala'o atividade julgamentu movel iha Distritu Bobonaro. Tribunál móvel ne'e julga kazu ho total 53 no JSMP konsege monitoriza kazu 30 husi totál kazu refere.

Kazu ne'ebé JSMP monitoriza mak kompostu husi kazu krime ofensa bá integridade fízika simples ho natureza violénsia doméstika 16, maus tratus ba kónjuje 4, abuzu seksuál bá menór 1, violasaun seksuál 2, ofensa bá integridade fízika simples 5, ameasa 1, no danu simples 1.

Durante julgamentu móvel ne'e, JSMP observa katak kondisaun fatin ba julgamentu la apropriadu atu asegura qualidade justisa tuir padraun justisa ne'ebé ema hotu dezeja.

JSMP observa katak wainhira julgamentu la'o hela, partisipante sira barallu no halo juis, prokurador no defeza laiha konsentrasaun durante iha audiénsia julgamentu laran. Situausaun ne'e akontese tanba laiha fatin própriu ba hala'o julgamentu no Tribunál Movel utiliza deit mak eskuadra polísia, salaun administrasaun munisípiu, no edifísiu reprezentasaun Ministériu Públiku nian. Tanba edifísiu públiku hirak ne'e nakloke ba públiku no ema barak interese atu ba assiste maibé la-iha regra no sistema ruma atu kontrola partisipantes hirak ne'e.

“JSMP fiar katak temporariamente Tribunál Móvel mak sai hanesan alternativu no solusaun atu hakbesik sistema justisa formal bá comunidade iha área rural, maibé JSMP husu ba Tribunál atu mantein qualidade justisa ne'ebé lori ba comunidade sira,” dehan Luis de Oliveira Sampaio, Diretór Ezekutivu JSMP.

JSMP enkoraza atu judisiáriu sira garante katak justisa tenke la'o iha maneira ida-ne'e hatuur respeitu nafatin qualidade no kredibilidade. Tantu juis no autóridade judisiáriu sira seluk, tenke konsiente kona-ba valor ida-ne'e. Tribunál labele funksiona atu hatan deit ba impedimentu sosial

Rua Beco Lakateu, Aldeia Manu fuik,
Suku Colmera, Administrativu Vera Cruz
Dili Timor Leste
PoBox: 275

Telefone: 3323883 | 77295795

www.jsmp.tl

info@jsmp.minihub.org

Facebook: www.facebook.com/timorleste.jsmp

Twitter: @JSMPtl

no estrutural ne'ebé comunidade rural sira infrenta, maibé tenke iha forma ida-ne'ebé respeito ba regra no prinsípiu legál sira ne'ebé lei estabelese.

Antes ne'e, JSMP mós kestiona Tribunál Distritál Baucau wainhira hala'o movel iha Vikeke. Iha julgamentu ne'e Juis sira nomea ofisiál justisa sai interprete ba arguidu ne'ebé la hatene lian ofisiál. JSMP mós rejista preukupasaun seluk kona-ba fatin julgamentu ne'ebe uza edifísiu polísia.

Tuir JSMP ofisiál justisa nia knaar atu hakerek akta durante prosesu julgamentu la'os sai fali hanesan tradutór ba kazu sira tanba bele afeita ba kredibilidade no qualidade justisa husi prosesu ne'e rasik. Aleinde ne'e, mesmu dalaruma tanba laiha opsaun seluk, maibé ba JSMP julgamentu hala'o iha edifísiu polísia bele hamosu dúvida ba iha parte intresadu sira. Comunidade sira bele hanoin katak polísia iha kompeténsia deside sira nia kazu tanba hahu husi prosesu apresenta keixa, julgamentu no desizaun hotu-hotu hala'o iha polísia.

Julgamentu movel ne'e julga ho kompozisaun tribunál koletivu no singular. Tribunál koletivu prezide husi Dr. Argentino Luis Nunes, Dr. Benjamin Barros, Dr. Samuel Pacheco. Enkuantu tribunál singular prezide husi Dra. Florensia Freitas, no Dr. Nasson M.B. Sarmento. Iha parte seluk, Ministériu Públiku representa husi Dr. Matias Soares no Dr. João Marques no arguidu sira representa husi Dr. Francisco Caetano, Albino Pereira, Dr. Estaque Pereira Guterres husi Defensória Pública.

Atu hatene informasaun liutan bele kontaktu:

Luis de Oliveira Sampaio
Diretór Ezekutivu JSMP
Direasaun e-mail : luis@jsmp.minihub.org
Telefone: 3323883 | 77295795